

Cur mutato die septimo christiani prima die
celebrant sabbatum?

Iudaei mandato Dei celebrarunt sabbatum die septimo, qui est dies Saturni, vt vulgo nominatur, propter memoriam creationis rerum omnium. Sed apostoli et horum discipuli, propter memoriam resurrectionis Christi et vt ostenderent exemplum christianae libertatis in abrogandis ceremonijs pertinentibus ad politiam Mosaicam elegerunt primam diem, quae vocatur dominica seu dies solis abolitis simul ritibus sacrificiorum, quae apud Iudaeos vsitata fuerunt. 5

[22:] Dic quartum^a praeceptum.^b

10

Honora patrem tuum et matrem tuam, vt sis longaeuus super terram.⁴²

Quid significat „honor“?

Verus honor est comprobatio rei cuiuscunque tribuens ei praestantiam et reuerenter se ei subiiciens propter diuinum aliquod bonum. Est enim fundamentum honoris, bonum aliquod diuinum in re aut persona aliqua. Gradus vero honoris sunt: primum 15 honesta opinio in mente de persona aut re, quod diuinitus ordinata et per se bona sit, secundo vera cordis subiectio et officia externa, quibus ostendimus nos venerari ordinem diuinum.

Quid complectitur appellatio patris et matris?

Parentum appellatione comprehenduntur primum ij, a quibus ortum et originem secundum naturam ducimus. Deinde omnes, qui nobis sunt loco parentum et in nos imperium ex superiori potestate tenent, vt praeceptores, magistratus, patresfamilias, tutores, [23:] curatores etc. Bonus enim gubernator a bono patre non differt. 20

^a III.1.: D, E, F, G.

^b Holzschnitt: Sem und Jafet bedecken die Blöße ihres betrunkenen Vaters Noah (Gen 9,20–27): B.

⁴² Vgl. Ex 20,12; Dtn 5,16.